

新刊經進詳註昌黎先生文

十三

新刊經 進詳註昌黎先生文卷第二十三

祭文

袁州祭神文三首

補註 觀此文則公之精神豈特開衡之雲哉

維年月日袁州刺史韓愈謹告于城隍神之靈
刺史無治行一無字以媚于神祇天降之罰以久
不雨苗且盡死刺史雖得罪百姓何辜宜降疾
咎于其身無令鰥寡蒙茲濫罰謹告

維年月日袁州刺史韓愈謹以少牢之奠祭于
仰山之神仰山山名也按唐志袁州宜春西南
十里李渠引仰山水入城刺史李

韓廿二

一

王

將順所鑿九域志曰袁州仰山峭拔萬仞不可
登陟詩曰高山仰止名取此義倦游錄云袁州
仰山神祠自唐以來威靈頗著幅員千里之內
事之甚謹柔毛之獻歲時相繼故動以數百餘
輦為 曰神之所依者惟人人之所事者惟神今

既大旱嘉穀將盡人將無以為命神亦將無所
降依不敢不以告若守土有罪宜被疾殃於其
身百姓可哀宜蒙恩憫以時賜雨使獲承祭不
怠神亦永有飲食謹告

維年月日袁州刺史韓愈謹以少牢之奠祭于
仰山之神曰田穀將死而神膏澤之百姓無所
告而神恤之刺史有罪而神釋之敢不有薦也



尚饗

祭柳子厚文

集有墓銘公時為袁州刺史補註按子厚以元和十四年十月五日夢奠于柳州公以其月二十四日自潮即袁此文袁州作也劉夢得有祭文且序其集云

維年月日韓愈

子一六維元和十五年歲次庚謹

以清酌庶羞之奠祭于亡友柳子厚之靈嗟嗟

子厚而致然耶自古莫不然我又何嗟人之生

世如夢一覺其間利害竟亦何校當其夢時有

樂有悲及其既覺豈足追惟淮南子曰人者千

極譬若夢為鳥而飛於天夢為魚而沒於淵故曰人之生世如夢一覺其間利害竟亦何校又

韓廿三

二

龟

曰方其夢也不知其夢也覺而後知其夢也今

將有大覺然後知今此之為大夢也故曰當其

夢時有樂有悲及其既覺豈足追惟此意本出

莊子至淮南子變文以鋪繹之覺音居效切寤

也今俚語尚然校辨也亦音教子厚少年俊偉

知名當世乃不自愛惜附叔文匪人自致青雲

俄而泰內例遭黜責此真邯鄲枕事也謂其行

事不足記錄故直以夢比之與下文犧尊以青

黃為災良馬以脫羈馬為善皆反覆為子厚文

過矣至於求身行則以小人語禹錫不少假借

公之筆法嚴矣哉凡物之生不願為材犧樽青黃乃木

之災

莊子曰百年之木破為犧尊則美惡有問矣注

其斷在溝中比於犧尊則美惡有問矣注

云刻木作犧牛之形以為祭器名曰犧尊又加

音義按周禮司尊作獻鄭氏子之中棄夫脫馬

謂飾以鳳凰婆娑音素何切羈王佩瓊琚大放厥辭中棄謂貶柳州也畢音

子馬蹄曰連之以羈馬注云羈馬絡頭馬絆前

兩足也歐陽般舟和尚碑跋云子厚與退之皆

以文章名一時而後世稱爲韓柳者蓋流俗之

相傳也其爲道不同猶夷夏也然退之於文章

每極稱子厚者豈以其名並顯於世不欲有所

貶毀以避爭名之嫌而其爲道不同雖不言願

後世自當知歟不然退之以力排釋老爲已任

於子厚不得無言也按本傳愈常稱其文曰雄

深雅健似司馬子富貴無能磨滅誰紀司馬遷

長崔蔡不足多也富貴無能磨滅誰紀書自古

紀惟侷儻非常之人稱焉子之自著表表一作

愈偉宗元少年名重請復尊号不善爲斲血指

汗顏巧匠旁觀縮手袖間言當世群士不善者

失雖大手亦不敢子之文章而不用世乃令吾

徒掌帝之制謂以考功郎中知制誥子之視人

自以無前一片不復群飛刺天言子厚既死群

譬猶鷹隼一去而鷙雀紛拏也蜀都賦森搏搏

而刺天歐陽公師韓愈者也及其既卒東坡弔

之曰譬猶龍亡而虎逝則變怪百嗟嗟子厚今

出舞螭蟺而號狐狸即此意也

也則一作亡臨絕之音一何琅琅徧告諸友以

寄厥子不鄙謂余亦託以死好事集云柳宗元

以蓄薇露盥手熏玉蕤香然後發讀曰大雅之

文正當如是子厚平昔敬公如此故公有不鄙

之凡今之交一作觀勢厚薄余豈可保能承子

託非我知子子實命我猶有鬼神寧敢遺墮本

云宗元既沒柳人懷之託言降于州之堂人有

慢者輒死廟於羅池愈因碑以實之云墮徒果

切念子永歸無復來期一作設祭棺前矢心以

辭嗚呼哀哉尚饗

祭湘君夫人文

集有黃陵廟碑此祭文刻其陰補註按沈傳師書云黃陵碑其後書曰其將修廟祭神文曰云云即此也

維元和十五年歲次庚子十月某日朝散大夫守國子祭酒韓愈謹令前袁州軍事判官張得一以清酌之奠敢昭告于湘君一又有湘字夫人二妃之神前歲之春愈以罪犯黜守潮陽一作懼以譴死且虞海山之波霧瘴毒為災以殞其命舟次祠下是用有禱于神神享其衷賜以吉卜

韓廿三

四

惠

曰如汝一無汝字志蒙神之福啓帝之心去潮即袁

今又獲位於朝復其章綬退思往昔實發夢寐

凡累或作三或作四皆誤年於今乃合夙夜悚惕敢忘神

之大庇伏以祠宇毀頓一作損憑附之質丹青之

飾暗昧不蠲一本頓作損不稱尺證切靈明一作靈

外無四垣堂陛頽落牛羊入室居民行商不來

祭享輒敢以私錢十萬祈于邦伯石本無修而此四字

作之舊碑斷一本中折非折其半仆地文字缺滅幾

不可讀謹修而樹之廟成之後將求玉石仍刻

舊文因銘其陰以大振顯君夫人之威神以報

靈德俾民承事萬世不怠惟神其鑒之尚饗
始將既修樹舊碑仍刻其文於新石因銘其陰
舊碑石既多破落文不可盡識移之於新或失
其真遂不復刻

祭竇司業文

諱牟集有墓銘補註牟以長慶二年二月卒公志其墓甚詳

維年月日兵部侍郎韓愈謹以清酌庶羞之奠
祭于故國子司業竇君三兄之靈惟君文行夙
成有聲江東魁然厚重長者之風一舉於鄉遂
收厥功屢佐大侯以調兵戎詔曰予虞汝為郎

文廿三

五

中通典曰虞部蓋古虞人之職掌京城街巷

乃令洛陽歲且四終惟刑之慎掌正隸僮命守

高平命副一作制儒宮澤州為高平郡朱衣銀魚

象服以崇鄆風君子借老詩曰象服是宜言古

袋之飾惟金銀二等至武右乃錫祭考妣孝道

上窮官不滿能亦去達通踰七望八年孰非翁

一作公言年踰七十可以望於八十矣莊子曰

人上壽百歲中壽八十下壽六十今俗本改為

踰七八年孰非望公誤矣在君無憾我意不充君之昆弟三

以辭雄刺史郎中四繼三同公一兄三弟相繼
者三人謂於士大夫可謂顯黜我之獲見實自

常群萃也

童蒙既愛既勸在麻之蓬

荀子曰蓬生麻中不扶自直言所漸者然

也漸音切

自視鷓鷯望君飛鴻

鷓鷯鳥子須母食之曰鷓鷯能自食曰鷓鷯

四十餘年事如夢中分宰河洛媿立並躬

為公

河南令時奉為洛陽令公送石洪序云二縣之大夫是也

俱官於學以纖臨

洪惠許一作詩

不酬報德以空先生莫接孰明我

衷於祭告情文以自攻嗚呼哀哉尚饗

祭主簿侯喜文

喜字叔起汝州人久從公學常以狀薦之于盧郎中以書薦之于陸貞外是以登正元十九年進士第七年為校書郎十二年為協律郎至是終于國子主簿

維年月日吏部侍郎韓愈謹遣男殿中省進馬

文廿二

六

休

倍致祭于亡友故國子主簿侯君之靈嗚呼惟

子文學今誰過之子於道義罔不拾遺

一作困不捨遺

我狎我愛人莫與夷自始及今二紀于茲我或

為文筆俾子持唱我和我問我以疑我鈞我遊

莫不我隨我寢我休莫爾之私朋友昆弟情敬

異施惟我於子無適不宜棄我而死嗟我之衰

相好滿目少年之時人之去亡

一作日

今其有

誰誰不富貴而子為羈我無利權雖怨曷為子

之去葬我方齋祠哭送不可誰知我悲嗚呼哀

哉尚饗

祭竹林神文

穆天子傳曰天子西征休于玄池之上而奏黃樂三日而然

是曰樂池乃樹之竹是曰竹林竹材神名蓋起於此

祭文皆禱旱其後賀雨表云季夏以來雨澤不降呂職司京邑祈禱實類公時為京兆尹長慶三年也

維年月日京兆尹兼御史大夫韓愈謹以酒脯之奠再拜稽首告于竹林之神曰天子不以愈為愚不能使尹茲大衆二十三縣之人今農既勤於稼有苗盈野而天不雨將盡槁以死農將無所食鬼神將無以為饗國家之禮天地百祀神祇不失其常惠天下之人不失其和人又無

文廿三

七

罪何為造茲旱虐以罰也將俾尹者不仁不明

不能承帝之勅以化正其下聞無香惟醒聞音

無明德之馨而有神之一作惠罰無差施罪瘡

于尹愈身是甘是宜雨則時降神無爽其聰明

永饗于人無媿尚饗

曲江祭龍文

皇城東昇道坊有流水屈曲謂之曲江見曲江荷花行

維年月日京兆尹兼御史大夫韓愈謹以香果之奠敢昭告于東方青龍之神天作旱災嘉穀將槁乃於甲乙之日依準古法作神之像齋戒

祀禱董仲舒書曰春早求雨令縣邑以水日令民禱社家人祠戶無斬木山林曝巫聚甍以玄酒脯再拜請雨奉牲禱以甲乙日為大蒼龍一長八丈居中為小龍七長各四文於東方東向其間相去八尺小童八人皆齋三日服青衣而舞之諸里社取五蝦蟇錯里社之中池方八尺深一尺置五蝦蟇焉其酒脯祝齋三日拜跪陳祝如初取三歲雄雞與三歲假猪皆燔之於四通之衢神其享佑之將降甘雨以惠茲農求雨書亦云

祭馬摠僕射文

唐書有傳補摠是泉州別駕元和中以虔州刺史遷安南都護徙桂管經略使累遷戶部尚書卒祭文與傳合交州安南也

維年月日吏部侍郎韓愈謹以清酌庶羞之奠

文世二

八

鼎

敬祭于故僕射馬公十二兄之靈惟公弘大溫

恭全然德備天故生之其必有意將明將昌實

艱初試佐戎滑臺斥由尹寺適彼甌閩餽餽跋

窺一作躡顛而不踳乃得其地摠身元中辟署滑州姓南仲幕府監

軍薛盈珍誣南仲不法摠坐貶泉州別駕盈珍入用事觀察使柳冕希旨欲誅之會刺史穆贊

保護乃免餽飢不安貞上五結切下五骨切跋躡進退有難上浦撥切下陟利切跋足跋也音

於卧功泉州即古閩越之地見送惠師詩于泉于虔始執郡符遂殿

交州抗節番禺去其螟蠹竊越大蘇元和中以

遷安南都護徙桂管經略使殿鎮也丁鍊切通典曰安南府漢之交趾郡也初理龍編縣又徙

方夷人其足大趾開廣若並足而立其指則交

故名交趾番禺縣名分屬廣州為嶺南節度府
有禺山尉他葬於此東坡書柳子厚大鑿禪師
碑後云今以韓碑考之則馬公自安南遷南海
非桂管也故曰遂殿交州抗節番禺以是知唐

史之誤當擢亞秋官朝得碩士人謂其崇我勢
以碑為正

始起久之入為刑部侍郎東征淮蔡相臣是使公兼邦憲

以副經紀殲彼大魁厥勳孰似相臣謂裴度也

大夫副裴度宣慰丞相歸治留長蔡師茫茫黍

稷昔實棘茨鳩鳴雀乳不見梟鴟惟蔡及許舊

為血仇命公并俟耕借之牛束其弓矢禮讓優

優吳元濟平留摠為淮西節度使貞元初分永

州號志武軍領之從摠為節度始誅鄆戎厥墟

文三

九

腥臊公往滌之茲惟樂郊李師道平折鄆曹濮

事見鄆州惟東有猗惟西有虺顛覆朋鄰我有

餘幾律萃中居斬其脊尾岱定河安惟公之躋

獠狂犬也居例切虺毒蛇也以喻鄰寇時東則

音劣戍切下促律切帝念一作厥功還公于朝

陟于地官且長百僚度彼四方孰樂可據顧瞻

衡鈞將舉以付惟公積勤以疾以憂及其歸時

當謝之秋賀問未歸弔廬已萃未燕于堂已哭

于次穆宗長慶二年召為戶部尚書昔我及公實

同危事且死且生誓莫捐棄歸來握手曾不三

四曾不濡翰酬酢文字翰音寒曾不醉飽以勸
酒歲奠以叙哀其何能致嗚呼哀哉尚饗

弔武侍御所畫佛文

李翱集武公諱儒衡字廷碩年二十四
得進士第歷侍御史夫人隴西李氏先
公而卒

御史一作侍御武君當年喪其配斂其遺服櫛珥盤

悅于篋斂梳比之總名音側珥切珥珥也音仍
吏切盤小囊也音滿官切悅巾也音輸

城月旦十五日則一出而陳之抱嬰兒以泣有

為浮屠之法者造武氏而諭之曰是豈有益耶

吾師云人死則為鬼鬼且復為人隨其一無所

文十三

十

積善惡受報旋一作環復不窮也極西方有佛焉

肥見送詩其土大樂親戚如能加為圖是佛而禮

之願其往生莫不如意武君憮然辭曰憮然也音武

吾儒者其可以為是既又逢月旦十五日復出

其篋實而陳之抱嬰兒以泣殆而悔且一無且字曰

是真何益也吾不能了釋氏之信不方九又安

知其不果然於是悉出其遺服櫛珥合若干種

就浮屠師請圖前所謂佛者浮屠師受而圖之

韓愈聞而弔之曰

哲哲兮自存哲白也思積切丁寧兮耳言忽不見兮不

聞琴誰窮兮本源圖西佛兮道子勲以妄塞悲

兮補註柳子厚永州龍興寺修淨土院記與公

佛而公不信也慰斯斯一無字新魂嗚呼奈何兮弔以茲

文

祭故陝府李司馬文

集有墓銘補註荆之子漢公之婚故有婚姻之語其詳見所誌荆墓云

維年月日守國子祭酒賜紫金魚袋韓愈謹以

清酌之奠祭于故陝府左司馬李公之靈曰公

學以為耕文以為獲發憤孤身復續一作厥家

選于吏部亟以科進歷臨大邑惟政有聲遂丞

韓生三

士

三

宗正日朝帝庭出輔陝都吏畏僚慕子父諸孫

盈于室堂公始一作悦喜五福具有大夫士家

孰不榮羨如何不常以致大故嗚呼哀哉愈以

守官不獲弔送昏姻之好以哀以悲敬致微禮

公其歆之尚饗

祭虢州司戶十二兄文

諱岌集有墓銘補註皇祖春素也其孫

曰會曰介曰愈曰俞曰岌見於世系及

公集者才此五人又有弇焉以殿中待

月日從父弟某官某乙謹以清酌庶羞之奠敢

志岌之墓云

昭告于十二兄虢州司戶府君之靈嗚呼惟我
皇祖有孫八人按宰相世系皇祖諱敷桂州長史惟兄與我後死
孤存奈何今日一作於今又棄而先生不偕居疾藥
不親斂不摩棺瘞不統墳趨奔束制生死虧恩
歸女教男反骨本原其不有年以補我愆長號
送哀以薦此文尚饗

祭鄭天人文

補註舊唐志正觀十四年太宗因修禮官進事次言及喪服太宗曰同龔尚有總麻之恩其嫂叔服宜集學者群議魏徵令狐德棻奏議引鄭仲虞顏洪都馬援孔伋事嫂叔當服小功制曰可則嫂在唐小功服而期服自公始故云受命

韓十三

三

先

于元服必以期此公所以報也

維年月日一云貞元九年歲謹於逆旅備時羞

之奠再拜頓首敢昭祭于六嫂滎陽鄭氏夫人

之靈嗚呼天禍我家降集百殃我生不辰爾雅釋訓

不辰不辰三歲而孤蒙幼未知鞠我者兄在死而

生實惟媿恩未齒一作二年兄官王官提携負

任去洛居秦亂毀齒也男八歲女七歲音初觀切兄會時為起居郎詩曰是任是

負負猶抱也念寒而衣念飢而餐俗作疾疹水火無

災及身劬勞閔閔保此愚庸年方及紀荐及凶

屯十二年日紀荐音也音才旬切屯難也音諄兄罹讒口承命南遷

窮荒海隅天閱百年

會以元載坐貶韶州卒夫

劉孝標辨命論云夭關紛綸莫知其辨注去夫謂年壽不長也爾小也言年何止此而不逝也

李漢序云先生生於大曆戊申幼孤隨兄播遷韶嶺兄卒鞠於媿氏辛勤來歸萬里故

鄉幼孤在前相顧不歸泣血號天微媿之力化

為夷蠻水浮陸走吳都賦水浮陸行方舟結駟丹旌翩然至

誠感神返葬中原歸葬河陽既克返葬遭時艱難百

口偕行避地江濱春秋霜露薦敬一作藉繁以

享韓氏之祖考曰此韓氏之門視余猶子誨化

諄諄爰來京師年在成人屢貢于主名迺有聞

念茲鈍頑非訓曷因感傷懷歸隕涕重慙苟容

文三三

十三

宋

躁進不顧其躬祿仕而還以為家榮奔走乞假

東西北南孰去此來迺賭靈車有志弗及長負

殷勤嗚呼哀哉昔在韶州之行受命于元兄曰

爾幼養于嫂喪服必以期今其敢忘天實臨之

舊史志云貞觀中魏鄭公等議媿叔服云或有長年之媿遇孩童之叔幼勞鞠養情若所生分

寒共飢契闊偕老其在生也愛之同於骨肉及其死則推而遠之本原深所未諭且事媿見稱

載籍非一鄭仲虞則恩禮甚篤頭引都別竭誠

致感馬援則見之必冠孔伋則哭之為位察其

所尚豈非先覺媿叔舊無服今請服小功五月

退之幼養于媿服菴以報可為學士大夫法也嗚呼哀哉日月有時歸合塋封塋音營說終天

永辭絕而復蘇伏惟尚饗

祭十二郎老成文

名老成公兄介之子兄會早卒無嗣以老成繼見韓滂墓銘老成卒于江南廬山舊室公時在京師補老成率府參軍韓介之子也介二子長曰百川老成其季也起居舍人會無子以老成為後老成生湘滂百川死公乃命滂歸後其祖介會介及公皆仲卿子

年月日季父愈

六一六身元十九年六月二十日其時公為監察御史聞

汝喪之七日

七一字無乃能銜哀致誠使建中遠具

時羞之奠告汝十二郎之靈嗚呼吾少孤及長不省所怙惟兄嫂是依中年兄歿南方吾與汝俱幼從嫂歸葬河陽既又與汝就食江南零丁

文二十三

十四

正

孤苦

零丁危弱自蜀志李密陳情之言

未嘗一日相離也吾上

有三兄皆不幸早世承先人後者在孫惟汝在子惟吾兩世一身形單影隻嫂常撫汝拍吾而

言曰韓氏兩世惟此而已汝時尤小當不復記

憶吾時雖能記憶爾雅以意思焉謂之憶

亦未知其言之

悲也吾年十九始來京城其後四年而歸視汝又四年吾往河陽省墳墓遇汝從嫂喪來葬又

二年吾佐董丞相幕

一無幕字于汴州汝來省吾止

一歲請歸取其孥

孥子明年丞相薨吾去汴州

汝不果來是年吾又

一無又字佐戎徐州使取汝者

始行吾又罷去汝又不果來吾念汝從于東東亦客也不可以久圖圖久遠者莫如西歸將成家而致汝嗚呼孰謂汝遽去吾先一作沒乎吾與汝俱少年以為雖暫相別終當久相與處故捨汝而旅食京師以求斗斛之祿漢書漢官秩千石至斗石石月十斛州縣佐史之類誠知其如此雖萬乘之公相吾不以一日輟汝而就也去年孟東野往吾書與汝曰吾年未四十而視茫茫而髮蒼蒼而齒牙動搖念諸父與諸兄皆康彊而早世如吾之衰者其能久存乎吾不可去汝不肯來恐旦

韓三

五

張

暮死而汝抱無涯之戚也孰謂少者歿而長者存彊者夭而病者全乎謂始傳聞老成卒嗚呼其信然耶其夢耶其傳之非其真耶信也吾兄之盛德而天其嗣乎汝之純明而不克蒙其澤乎少者彊者而天歿長者衰者而存全乎未可以為信也夢也而一無傳之非其真也東野之書耿蘭之報何為而在吾側也二者皆凶嗚呼其信然矣信一無吾兄之盛德而天其嗣矣汝之純明宜業其家者不克蒙其澤矣所謂天者誠難測而神者誠難明矣所謂理者不可推而

壽者不可知矣雖然吾自今年來蒼蒼者或化

而為白矣動搖者或脫而落矣毛血日益衰志

氣日益微幾何不從汝而死也左傳昭元年子產曰其與幾何

杜云言將不以死如而一作有知其幾何離一作

其無知悲不知知一無幾時而不悲者無窮期矣

汝之子始一歲吾之子始五歲少而彊者不可

保如此孩提者又可冀其成立耶嗚呼哀哉嗚

呼哀哉補註汝之子始一歲謂湘也吾之子始

者又可冀其成立邪相後登長慶三年進士昶

生縮衮縮咸通四年衮七年進士天之所昌

韓七三

十六

昌

百七十年歐陽文忠公為其父作龍崗汝去年

書云此一作得軟脚病往往而劇吾曰是疾也

江南之人常常有之未始以為憂也一無嗚呼

其竟以此而殞其生乎抑別有疾而至斯極無

極乎汝之書六月十七日也東野云汝歿以六

月二日耿蘭之報無日月蓋東野之使者不知

問家人以日月如耿蘭之報不知當時一作日

月一作月日家人謂六月十七日老成家蓋東

野與吾書乃問使者使者妄傳一作以應之耳

言歿以六月二日者亦妄也此言老其然乎其

成之歿皆得於傳聞不知果何日也

不一作其然乎今吾使逮中祭汝弔汝之孤與汝
之乳母彼有食可守以待終喪則待終喪而取
以來如不能守以終喪則遂取以來其餘奴婢
並令守汝喪吾力能改葬終葬葬一無終葬字汝於先
人之兆然後惟其所願焉一無鳴呼汝病吾不
知時汝歿吾不知日生不能以相養共居生不
能相養以共居歿不得撫汝以盡哀歛不得憑其棺窆
窆音波驗切棺也音波驗切不得臨其穴吾行一作負神明而
使汝夭不孝不慈而不得與汝相養以生相守
以死一在天之涯一在地之下一作生而

韓氏三

七

同

影不與吾形相依死而魂不與吾夢相接吾實
為之其又何尤彼蒼者天曷其有極自今已往
吾其無意於人世矣當求數頃之田於伊潁之
上以待餘年教吾子與汝子幸其成長吾女與
汝女待其嫁如此而已嗚呼言有窮而情不可
終汝其知耶其不知也一有字耶嗚呼哀哉尚饗

祭周氏姪女文

補註周况之妻韓俞之女於公為姪女
公時為中書舍人元和十一年也其詳

見公所誌墓

維年月日十八叔叔母具時羞清酌之奠祭于

周氏二十娘之靈嫁而有子女子之慶纏疾中
年又命不永今當長歸與一世違凡汝親戚孰
能不哀撰此酒食以與汝訣汝曾知乎我念曷
閔尚饗

祭姪孫滂文

補註老成二子湘滂於公為姪孫元和
十四年春公自刑部侍郎出為潮州相
滂二姪孫實從行其年冬公移袁州滂
至袁得疾以卒遂葬袁州郭南其詳見
公所誌墓

維年月日十八翁及十八婆盧氏以清酌庶羞
之奠祭于二十三郎滂之靈曰汝聰明和順出

韓廿三

六

同

於輦流強記好文又少與此將謂成長以興吾
家如何不祥未冠而夭吾與盧氏痛傷何言思
母之恩連呼以絕執兄之手勉以無悲情一何
長命一何短權葬遠地孤魂無依瀝酒告情哀
何有極尚饗

祭李氏二十九娘子文

李干之妻干有墓銘
補註李氏二十九
娘則公之姪女也皇甫持正誌公墓公
六女長婚李漢次樊宗懿次許嫁陳氏
餘未笄而唐路隋傳又以蔣係為公婿
其二逸焉若夫周况張徹妻則俞之女
李翱妻則弇之女皆以姪女見于公集
此其李干妻歟公常誌干墓曰太學博
士頃丘李干余兄孫婿也年四十八長

慶二年正月五日卒其月二十六日穿其妻墓而合葬之則于為公姪孫婿而二十九娘者于之妻明矣其日合葬者先于死也

維年月日十八叔翁及十八叔婆盧氏遣相以庶羞之奠祭于李氏二十九娘子之靈曰汝之警敏和靜人莫及之姿相豐端不見闕虧幼而孤露其然何為出從于人既相諧熙又暴以天神何所疵生殺滅益竟誰主尸我哀汝母孰慰窮嫠我憐汝兒誰與抱持念此傷心不能去離奠以送汝知乎不知尚饗

祭張給事文

韓三三

九

單

補張給事者徽而公之從子婿也元和四年進士長慶元年七月甲辰幽州盧龍軍都知兵馬使朱克勣因其節度使張洪清以及撤時為節度判官以罵賊遇害朝廷贈給事中詳見公所誌墓

維年月日兵部侍郎韓愈謹以清酌之奠祭于故殿中侍御史贈給事中張君之靈惟君之先以儒名家逮君皇考再振厥華鄉貢進秀有司第之從事元戎謹職以治平聲遂拜郎官以職王憲不長其年飛不盡翰乃生給事松身玉剛幹父之業纂文有光屢辟侯府亦佐梁師前人是似老吏嗟咨蓋年八十也他若御史關人奪之切易去大蓋之嗟御史關人奪之

於朝大厦之構斧斤未操於遷幽都頑悖未孚
繫君之賴乃奏乞留乃遷殿中朱衣象板惟義
之趨豈利之踐虺豸發豐鬪府屠剝償其恨祀
君獨高脫露刃成林弓矢穰穰千萬為徒譟謹
為狂君獨吐之上不負汝為此不祥將死無所
雖愚無知慙屈變色君義不辱殺身就德天子
嘉之贈官近侍歸於一死萬古是記我之從女
從才用切惟君之配君於其家行實高世無所掩一作
於葬與興一作祀東歸誄以贈之莫知我哀嗚呼
哀哉尚饗

韓三三

三

太

祭女挈女文

名挈女加切集有墓銘
四女也元和十四年正月十四日公以
秋官言佛骨出刺潮州其年二月二日
女挈死于商南魯峯驛即陸道南山下
其後公為京兆尹以長慶三年十月四
日發其骨歸葬河陽先原此文發歸日
所以祭也

維年月日阿爹阿八使汝姊以清酒時菓庶羞
之奠祭于第四小娘子挈女之靈嗚呼昔汝疾
亟一作值吾南逐蒼黃分散使汝驚憂我視汝
顏心知死隔汝視我面悲不能啼我既南行家
亦隨謹扶汝上一作與走朝至暮天一作雪冰

寒

一作霜

傷汝

一作女

嬴

一作肌

撼頓險阻

不得少息

不

能

食飲

又使渴飢

死于窮山

實非其命

不免水

火

父母之罪使汝至此豈不緣我草葬路隅棺

非其棺既瘞遂行誰守誰瞻魂單骨寒無所託

依人誰不死於汝即寃我歸自南乃臨哭汝汝

目汝面在吾眼傍汝心汝意寃寃一作宛宛可忘逢

歲之吉致汝先墓無驚無恐安以即路飲食柔

一作芳

甘

棺輿

華好

歸于

其丘

萬古

是保

尚饗

廿三

廿

召

新刊經進詳補註昌黎先生文卷第二十三

新刊經進詳註昌黎先生文集卷第二十四補註附

墓銘

李元賓墓銘

唐史有傳石本云大唐故太子校書李公墓誌銘其首云韓愈撰段季展書後
 之正元十一年冬十月有二月建元賓登第
 與公同時即正元八年也補註崔洪禮十七
 卒以二十九則正元八年也補註崔洪禮十七
 四年及第與元賓同年進士也新傳云
 觀屬文不旁公前人時謂與韓愈相上
 下及觀少天而愈後文益工議者以觀
 文未極愈老不休故卒擅名撫言云文
 高乎當世或謂觀文止高乎當世蓋謂
 未高乎古人也今觀石刻乃才高乎當
 世則撫言繆矣

韓文公

召

李觀字元賓其先隴西人始來自江之東食太

學之祿石本無年二十四舉進士三年登上第

又舉博學宏辭得太子校書又一年年二十九

客死于一作京師既斂三日其友人博陵崔引

禮賣馬葬之于國東門之外七里引禮字從周

嘗上書薦之於梁鄉曰慶義原曰嵩高原友人昌

黎韓愈書石以誌之其辭曰

已乎元賓壽也者吾不知其所慕夫也者吾不

知其所惡生而不淑孰為之壽死而不朽孰為

之夫已乎元賓文高乎當世而石本行過石本

乎古人竟何為哉竟何為哉

辨證云或謂公以

謂未高乎古人也觀有文集五卷陸希聲為之序云貞元中天子文化天下翕然興於文文尤

高者李元賓觀韓退之愈始元賓舉進士其文稱居退之右及元賓死退之文日益工今之言

文章元賓反出退之之下論者謂元賓早出其

文未極退之窮老不休故能卒擅其名子以為

不然要之所得不同不可相上下何者文以理

為本而辭質在尚元賓尚於辭故辭勝其質

退之尚於質故質勝其辭退之窮老不休終不

為元賓之辭假使元賓後退之之窮老不休終不

退之之質故所以不相高也夫文與唐虞而隆

於周漢自明帝後文體寢弱至退之乃大革流

弊落落有老成之風而元賓則不古不今卓然

作一體激揚超越若然竹中有金石聲每篇得

意趣如捷馬在御蹠蹠不能止其所長如此得

不謂之雄文哉自廣明喪亂天下文集略盡子

得元賓遺文於漢上惜其或復磨滅因條次為

三編論其意以冠於首大順元年十月五日也

韓文公

二

崔評事墓銘

補註

公時與崔翰皆佐董晉于汴翰以

正元十五年正月五日死右二月三日

晉薨公從晉喪離汴四日而汴亂自司

馬陸長源以下皆遇害則翰之死非不

幸也大和未崔鄴為左金衛大將軍暴

卒韓約代之不閱旬李訓亂約死於難

世以鄴之亡為崔氏

積善之報崔翰亦云

君諱翰字叔清博陵安平人曾大父知道仕至

大理司直大父玄同為刑部侍郎出刺徐相州

父倚舉進士天寶之亂隱居而終君既喪厥父

攜持孤老託于大江之南卒喪通儒書作五字

句詩數行孝悌談諧縱誕不羈又善飲酒江南

人士多從之遊貞元八年君生四十七年矣自
江南應節度使王栖曜命于鄜州既至表授右
衛胄曹參軍實參幕府事直道正言補益尤多
既去職遂家于汝州汝州刺史吳郡陸長源引
為防禦判官表授試大理評事十二年相國隴
西公謹作藩汴州而吳郡為軍司馬隴西公以
為吳郡之從則賢也署為觀察巡官實掌軍田
鑿澮溝斬艾芴並草名艾乾芴也居者為一無切芴皂葵也莫能切
陸田千二百頃水田二千一作五百頃連歲大穰也
曰頃籩豐切軍食以饒幕府以其功狀聞使者未也如陽切

韓苗

三

軍

復命以十五年正月五日寢疾終于家年五十

有六矣上言正元八年翰年四十七則十五隴年死時蓋五十四此五十六誤也

西公賻贈有加貨財曰賻與馬曰贈友服曰送玩好曰贈玉具曰舍賻贈所以

佐生贈祔所以送死此皆春秋之制也自始有疾吳郡率幕府僚

屬日一至其廬問焉其既甚也日再往問焉其

終也往哭焉比小斂大斂三哭焉於斂之二十

日其妻與其子以其一無其字君之喪旋葬于汝州

其二月某日遂葬于某縣某鄉某原君內仁九

族外盡賓客於其所止其來如歸苟親矣雖不

肖收視一作之如賢苟賢矣雖貧賤待之如貴人

是故其歿也其弔者與其哭者其聲也必哀盡焉妻鄭氏也有子二人女一人吾聞位不稱德者一有其終字有後嗚呼君其終有後乎銘曰朝之言嘻嘻夕之言怡怡偕入而出乘馬而馳一日不見而死吁其可悲公時與翰同為觀察推官

施先生墓銘

唐史有傳劉公嘉話拾遺言予嘗與柳八韓十八詣施士巧擊毛詩說雜鶴在梁梁人取魚梁也言鶴自合求魚不當於人之梁上取魚譬之入自無善事攘人之美者如鶴在人梁上焉則毛注失之矣又山無草木曰嵒所以陟彼嵒兮無所嵒也以山無草木故以譬之又勿剪勿拜拜小底屈也上言勿剪下

韓苗

四

定

言勿拜明召伯漸遠人思不忘也又說惟北有斗不可以挹酒漿言不得其人

貞元十八年十月十一日太學博士施先生士

巧本傳作勻吳人也卒其僚太原郭伉買石誌其墓昌

黎韓愈為之辭曰先生明毛鄭詩前漢毛公遺人也治詩為

河間獻王博士由是号毛公詩後漢鄭玄字通康成北海高密人為司農号稱純儒為詩箋通

春秋左氏傳善講說劉公嘉話載士巧講詩數章其說甚浮淺全無經意

史傳載士巧春秋傳文宗讀之以為穿鑿之學不知當時何以擅名号稱專門今史傳亦載大

槩依倣墓誌而為之文耶朝之賢士大夫從而

執經考疑者繼往干門太學生習毛鄭詩春秋

左氏傳者皆其弟子貴游之子弟時先生之說

二經時候也來太學怡怡然坐諸生下恐不卒得

聞先生死二經生喪其師仕於學者亡其朋故

自賢士大夫老師宿儒新進小生聞先生之死

哭泣相弔歸衣服貨財一作賄先生年六十九在

太學者十九年由四門助教為太學助教由助

教為博士太學秩滿當去諸生輒拜疏乞留有一

或乞遷三字或留或遷凡十九年不離一作出太學祖

曰旭袁州宜春尉父曰媯救略切濠州定遠丞妻

曰太原王氏先生卒子曰友直明州鄞莫候切

韓菑

五

縣主簿曰友諒太廟齋郎系曰

先生之祖氏自施父施孝叔魯惠公五世孫也

其後施常事孔以家語施之常讎為博士前漢

施讎字長卿從田王孫受易後拜為博士延為

太尉東漢陳忠傳施延字太尉之孫始為吳人

曰然曰績亦載其跡吳志朱然字義封朱治姊

子然年十三乃乞以為歸仕終右軍師為孫權

創業功臣子績字公嗣官至左大司馬五鳳中

表還為先生之興公車是召纂序前聞于光有

曜古聖人言其言密微箋注分羅博物志鄭玄

不解此意或云毛公常為北海顛倒是非聞先

生講論如客得歸卑讓眈眈中庸曰眈眈其仁

出言孔揚今其死矣誰嗣其宗縣曰萬年原曰

神禾高四尺者先生墓耶孔子合葬於防曰古

北之人也不可以弗識也於

考功貞外郎盧君墓表

補註按舊史崔造字元宰博陵安平人

求泰中與韓會盧東美張正則友善好

言當世事皆自謂王佐才故号四藝新

傳亦云然致之史則四藝者惟造至宰

相正則無聞會終起居舍人東美終考

功貞外郎公此表元和二年為國博時

作近世有穎人王鉅者為韓會傳云云

又會嘗為文衡一篇云云觀文衡之作

益知愈本六經尊皇極并異端節行之

美而自為時法立道雄剛事君孤峭甚

矣其似會也孟子學於子思而道過之

聖人不失其傳者子思也會兄弟師授

偉矣鉅字性

之邵博云

愈之宗兄

補註宗兄即伯兄會也舊史不悟宗

從父兄誤矣故起居舍人君以道德文學伏一世友

其友四人其一范陽盧君東美少未出仕皆在

江淮間天下大夫士謂之四藝唐書求泰中崔

美張正則四人友善皆自謂王佐才故号四藝

國史補曰韓會善歌詩号為夔頭按撫言盧江

何長師趙郡李華范陽盧東美少與韓衢為

義以為道可與古之臯夔者侔故云爾或曰夔

嘗為相世為謂一作相憂四人者雖處而未仕天

下許以為相故云大曆初御史大夫李栖筠唐史

輔由工部侍郎為浙西觀察使當是時中國新

去亂仕一作多避處江淮間嘗為顯官得名聲

以老故自任者以千百數故舊也大夫莫之取獨

晨衣朝服衣音於既切從騎吏入下里舍請盧君君

時始任一作戴冠通詩書與其群日講說周公

孔子以相磨龍浸濯婆娑嬉游未有捨其一無其字

所為為下字音為切人意既起從大夫天下未知君

者惟竒大夫之取人也不常必得人其知君者

韓愈

七

孫

謂君之從人也非其常守必得其從其後為太

常博士監察御史河南府司錄考功員外郎年

若干一云年五十四而終在官舉其職舉稱也夫人李氏

隴西人你配君子無違德君歿訓子女其甚得母

道後君二十年一云年六十六而終將合葬

其子暢命其孫立曰乃祖德烈靡不聞然其詳

而信者宜莫若吾先人之友先人之友無在者

起居又一作有季曰愈能為古文業其家是必

能道吾父之事業汝其一作往請銘焉立於是

奉其父命奔走來告愈謂立曰子來宜也行字

讀不可一二舉且吾之生也後不與而祖接不
得其詳也其大者莫若衆所與觀所與衆寡茲
可以審其德矣乃祖未出而處也天下之士有
大夫以為與古之臯夔者侔且可以為相其德
不既大矣乎講說周公孔子樂其道不樂從事
於俗得所從不釋一作擇外內奮而起其進退不
既合於義乎銘如是可以示於今與後也歟立
拜手曰唯唯

君祖子與濮州濮陽令父同舒州望江令夫人
之祖延宗鄆州司馬夫人父進成鄜州洛交令

韓苗

八

男三人暢申易女三人皆嫁為士人妻墓在河
南緱音溝氏縣梁國之原其年月日一無其年元
和二年二月十日云

施州房使君鄭夫人殯表

房武之妻
見武墓銘

夫人之先出於周以鄭為氏因初侯宰相世系

自姬姓周厲王少子友封於鄭是為桓公其地
華州鄭縣是也生武公與晉文侯夾輔周室東

遷于洛徙溱洧之間謂之新鄭是也十三世幽
公為韓所滅子孫播遷陳宋之間以國為氏幽

公七世孫榮号鄭君生當時曾祖諱隨祖諱玠
漢大司馬居滎陽遂為郡人

厥考諱終咸垂休歸于房宗生九子左右承稷

祠春秋道順德嚴顯且裕宜壽而貴今何謬

也音亡幽永身冬至前四日寓殯墳此非其丘

武墓誌云
殯于江陵

清邊郡王楊燕奇碑文

蓋其人無可書者耳尚友云

公諱燕字燕奇引農華陰人也宰相世系云楊

宣王子尚父封為楊侯一云晉之公族叔向為

生伯石字食我以邑為氏号曰楊石黨於祁盈

盈得罪放晉晉并滅羊舌氏叔向子孫逃于華

山仙谷遂大父知古祁州司倉列考文誨天寶

韓中

九

先

中實為平盧軍衙前兵馬使位至特進唐志天寶初改

幽州節度使為范陽節度使号平盧檢校太子

軍領幽易等州時安祿山為節度使賓客凡言檢校其官皆封引農郡開國伯世掌

諸蕃互市恩信著明夷人慕之祿山之亂公年

幾二十進言於其父曰大人守官宜一作不得

去王室在難某其行矣其父為之請於戎帥遂

率諸將校之子弟各一人間道趨關變服詭行

日倍百里天子嘉之特拜左金吾衛大將軍貞

外置賜勳上柱國實應二年春詔從僕射田公

神平劉展上元二年劉展為宋州刺史與御史

貪暴無法而展性剛鯁不折仲昇奏說狀而謀

之次謀及展然展居睢陽有兵權難亟圖乃與

監軍使邢延恩矯詔以畏為都統江商淮南節
度防禦使代李岷欲其赴鎮於塗中執之也
頗以為疑遣使請符節於岷既得之悉與睢陽
兵七千人赴廣陵延恩始約李岷與淮南東道
節度使鄧景山圖展及事露傳數州郡言展反
狀發兵拒之展亦露布言李岷反而南北警急
又破李岷於下蜀二年命田神功舉平盧軍東
下展迎擊為神功再破之遂奔廣陵奔江南以
舟師自金山引闔神功有五舡而展殺其二舡
後為賈隱林射展中日因而斬之傳首京師收
器械三十餘萬見沈既濟所撰劉展亂紀唐書
所載殊略按寶應無又從下河北大曆八年帥
二年當以上元為正

師納戎帥勉李于滑州九年從朝于京師建中
二歲城汴州功勞居多三年從攻李希烈先登
貞元二年從司徒劉公復汴州劉公謂十二年

韓苗

十先

與諸將同執以城叛者謂李歸之于京師事平

授御史大夫食實封百戶賜絲繒有加十四年
年六十一五月某日終于家自始命左金吾大

將軍凡十五遷為御史大夫職為節度押衙左

一作廂兵馬使兼馬軍先鋒兵馬使階為特准

勳為上柱國上柱國皆楚之寵官隋置以

侯功德朝廷所尊異者賜位特進是特進者引

見之稱也隋以為階官唐因之事並見通典

爵為清邊郡主食虛邑三百戶至三千戶真食

五百戶終焉公結髮從軍四十餘年監本載敵攻
無堅城守必完臨危蹈難歔歔感發棄機應會

捷出神怪不畏義死不榮幸生故其事君無疑
行其事上無間言初僕射田公其母隔于冀州
公獨請往迎之經營賊城出入死地卒致其母
田公德之約為父子故公始姓田氏田公終而
後復其族焉嗣子通王屬良禎德宗子通王諱譜以其
年三月當作十二月蓋上六月某日終于家也庚寅葬公于開封
縣魯陵岡隴西郡夫人李氏祔焉合葬為祔合者以相從為
義祔者以後付先為義音附夫人清夷郡太守祐之孫漁陽
郡長史獻之女柔嘉淑明先公而殂有男四人
女三人後夫人河南郡夫人雍氏某官之孫某

革

十

同

官之女有男一人有女二人咸有至性純行夫
人同仁均養親族不知異焉君子於是知楊公
之德又行於家也銘曰

烈烈大夫逢時之虞感泣辭親從難于秦維茲
爰始遂勤其事四十餘年或禪或專攻牢保危
爵位已濟既明且慎終老無墮魯陵之岡蔡河
之側蒸蒸孝子思顯勲績斷石于此式垂後嗣

河南少尹裴復墓誌銘

公諱復字茂紹河東人曾大父元簡大理正宰相

世系曰裴氏出自風姓顓頊裔孫羸氏非子之
支孫封豈卿因以為氏今河東聞喜豈鄉是也

六世孫陵當周僖王時封為解邑君乃去邑從衣為裴衣長良晉平公封嶺頭之孫於周川之裴中号裴君疑不可辨至晉武威太守粹之孫慳自河西歸桑梓居解縣洗馬川号洗馬裴仕前秦大鴻臚子天壽後魏中書博士元簡即天壽之七代孫也

大父曠御史中丞京畿採訪使父虬以氣略敢諫為諫議大夫

引正大疑有寵代宗朝屢辭官不肯拜卒贈工

部尚書歐陽集古目錄云怡亭銘者李陽水篆銘裴虬撰李莒書銘在武昌江水中

小島亭在其上人謂其地為吳王散花灘銘刻于島石常為江水所沒故世亦罕傳亭裴公作

不知何人虬代宗時為道州刺史韓退之為其子復作墓誌然唐史不見其事

言虬刺道州文忠公豈得之怡公舉賢良拜同

官尉同官縣屬僕射南陽公開府徐州張建召

苜

十一

同

公主書記三遷至侍御史入朝歷殿中侍御史

累遷至刑部郎中疾病改河南少尹輿至官若

干日卒實元和三年四月二十三日享年五十

夫人博陵崔氏少府監頽他鼎切之女男三人環

質皆既冠其季始六歲曰彥郎卜葬得公卒之

四月壬寅遂以其日葬東都芒山之陰杜翟村

公幼有文章年十四上時雨詩代宗以為能將

召入為翰林學士尚書公請免曰願使卒學丁

後母喪上使臨弔又詔語一作尚書公曰父忠而

子果孝吾加賜以勵天下終喪必且以為翰林

學士其在徐州府能勤以一作有勞在朝以恭
儉守其職居喪必有聞待諸弟友一無以善教
館養妹畜孤甥能別而有恩歷十一官而無宅
於都無田於野無遺資以為葬斯其可銘也已
銘曰

裴為顯姓入唐尤盛支分族離各為大家強大家
謂公卿大夫也書曰以惟公之系德隆位細曰
子曰孫厥聲世繼晉陽之邑愉愉翼翼無外無
私幼壯若一何壽之不遐而祿之不多謂必有
後其又信然邪

韓士四

三

楊

國子助教河東薛君墓誌銘

石本六朝議郎守國子博士上騎都尉
韓愈撰補誌公達正元九年進士新史
附其父
播傳後

君諱公達字大順薛姓曾祖曰希莊撫州刺史
贈大理卿祖曰元暉果州流谿縣丞贈左散騎
常侍父曰播尚書禮部侍郎命君後兄授
石本授為尚書水石本部郎中贈給事中君少
氣高為文有氣力務出於奇以不同俗為主一作

志始舉進士登科記正元九年進士第也不與先輩揖作胡
馬及圓丘詩京師人未見其書皆口相傳以熟

及擢第補家令主簿佐鳳翔軍軍帥武人君為

作書奏讀不識句傳一幕以為笑君石本無君字不

為變後九月九日大會命石本無命字射設標的高

出百數十尺令曰中丁切仲酬錦與金若干一軍

盡射莫能中者君執弓腰二矢挾石本作拚一矢以

輿揖其帥曰請以為公歡遂適射所一坐起隨

之石本云一坐皆起隨之射三發連三中的壞不可復射中

輒一軍大呼以笑連三大呼笑帥益不喜即自

一作日免去後佐河陽軍任事去害興利功為多

拜協律郎益棄竒與人為同今天子修太學官

韓忠

由

定

有公卿言詔拜國子助教分教東都生元和四

年年四十七二月十四日疾暴卒君再娶初娶

琅琊王氏後娶京兆韓一作常氏凡產四男五

女男生輒即死自給事至君後再絕皆有名遺

言曰以公儀之子為後石本以公儀之子已已後我辨證云已已小字

也其年閏三月二十二日弟試太子通事舍人

公儀弟弟字無京兆府司錄公幹以君之喪歸以

五月十五日葬於京兆府萬年縣少陵原合祔

王夫人瑩一本云弟某官公儀殿中侍御銘曰

官不能遂一作官不能遂補註此句見張釋之傳今

作達歸譏一作於時身不得年又將尤誰世非是絕而紹祭以不墮

監察御史元君妻京兆韋氏夫人墓誌銘

補註元君微也按傳積十五擢明經判入等補校書郎元和元年舉制科對策第一拜左拾遺後貶江陵士曹參軍以乃從通州司馬改饒州長史元和末召拜膳部員外郎初在江陵善監軍崔潭浚至是潭浚親幸以棋歌詞奏御云云長慶二年進同平章事朝野輕笑史臣亦譏其信道不堅乃喪所守附官貴得宰相居位才三月罷晚節弥沮喪云

夫人諱叢字茂之姓韋氏其上七世祖父封龍門公龍門之後世宰相繼為顯官宰相世系曰韋氏出自自風

勃苗

十五

姓其後定著為九房一曰西眷房二曰東眷房三曰道道遙公房四曰鄭公房五曰南皮公房六曰京兆房七曰龍門公房八曰小逍遙公房九曰刺史持傑生二子遵通遵為驃騎大將軍晉州大惣管長史龍門縣公因号龍門公房云

夫人曾祖父諱伯陽自萬年令為太原少尹北

都北無副留守卒贈秘書監其大一無王父迢

以都官郎為嶺南軍司馬卒贈同州刺史王無

王考真卿以太子少保贈左僕射世系又曰通

太守善嗣生崇德太子諭德崇德生翊字國楨商州刺史即伯陽之父也伯陽字春卿夏卿字

雲客爾雅父母考為曾祖父之父父之父之

祖王母王父之考為曾祖父之父父之父之

之世為高祖王母注去加王者尊之曾猶重也

高祖言最在上按仙傳拾遺曰漢時群兒戲曰
着青裙入天門揖金母拜木公時人莫知之惟
張子房知之姓孫之曰此東王公之五童也金
母者西王母也木公者東王父也此二童尊乃
陰陽之父母天地之本原生化萬靈育養群品
木公為男仙之主金母為女仙之宗飛仙之品
外天之初先觀金母後謂木公然後外三清朝
太上矣所謂王者乃尊高貴上之稱後人稱王
父王母蓋僕射娶裴氏皐女皐為給事中皐父
本乎此

宰相耀卿耀卿字煥之相夫人於僕射為季女

愛之選其一有婚得今御史河南元稹稹字微之

稹時始以選授授字無校書秘書省中其後遂以

能直言策第一拜左拾遺果直言失官又起為

御史舉職無所顧夫人因固一作前授教於賢交

韓岳

六

卑

母及得其良夫又授教於先姑氏率所事所言

皆從儀法年二十七以元和四年七月九日卒

卒三月得其年之十月十三日葬咸陽從先舅

姑兆白居易作稹墓誌云其父寬比部郎中母

銘曰

詩歌碩人爰叙宗親女子之事有以榮身衛風

之詩以閔莊姜其首章曰齊侯之子衛侯之妻

東宮之妹邢侯之姨譚公惟私此叙其宗親以

為榮也公作婦人墓誌凡九篇皆取法詩人之

意亦不過叙其內外世族之貴而已其間縱有

賢行皆歸之於夫若子蓋以無外事故也今之
人作一婦人墓誌莫不虛辭溢美豈知古人之
筆即依六經夫人之先累公累卿於赫外祖相
以成文乎

我唐明於音歸逢其良夫夫婦婦公羊傳曰婦

獨不與年而卒以天實生五子一女之存積墓誌云

前夫人京兆韋氏淑懿有文無祿早銘于埋辭

以求於聞



新刊經進詳補註昌黎先生文卷第二十四

書

七

卷

新刊詳補註昌黎先生文集卷第二十五

誌銘

登封縣尉盧殷墓誌銘

按孟郊集有弔殷詩十首其一章末句云河南韓先生後君作因依磨一片

巖書千古光輝謂此銘也

元和五年十月五日范陽盧殷以故登封縣尉

卒通典曰縣屬河南府本名嵩陽登封年六十

五君能為詩自少至老詩可錄傳者在紙凡千

餘篇無書不讀然止用以資為詩與諫議大夫

孟簡協律孟郊監察御史馮宿好期相推挽卒

韓文廿五

一

山

以病不能為官在登封盡寫所為詩投故宰相

東都留守鄭餘慶留守數以帛米周其家書薦

宰相宰相不能用竟飢寒死登封將死自為書

告留守與河南尹乞葬已又為詩與常所往來

河南令韓愈曰為我具棺留守尹為具凡葬事

韓愈與買棺又為作銘十一月某日葬嵩山下

鄭夫人墓中君始娶滎陽鄭氏後娶隴西李氏

生男輒死卒無子女子一人學浮屠法不嫁為

比丘尼云

興元少尹房君墓誌銘



武新舊史皆無傳而宰相世系以武式
為齋之弟按此篇武式皆齋之子愈當
時人宜無妄者史官失之也補房武
長子次卿字蜀客正元七年進士至是
二十年尚守京北興平尉
然友公則其人可知矣

房故為官族稱世有人宰相世系曰房氏出自

房朱生陵自太尉瑄以德行為相相立宗肅宗

以國為氏名聲益彰徹大行世號其門為太尉

唐史有傳家宗族子弟皆法象其賢公曾祖諱立靜尚書

膳部郎中歷資簡涇隰四州刺史太尉之叔父

也祖諱肱為魏州司馬父諱齋都水使者皆名

能守家法公諱武字某以明經歷官至興元少

韓文其五

二

徐

尹謹飭畏慎年七十三以其官終幼壯為良子

弟老為賢父兄歷十二官處事無纖毫過差嘗

以殿中侍御史副丹陽軍使潤州為其後為

屋令通典曰屬京兆本漢舊縣武帝置山曲曰

至施州刺史丹陽蓋水曲曰至因山水之曲因以名之音周至

榮陽鄭氏女生男六人其長曰次卿字蜀次卿

有大才不能俯仰順時年四十餘尚守京北興

平尉然其友皆曰房氏有子也次曰次公次膺

次回次衡次元始學而未仕女三人皆嫁為士

人妻初公之在施州夫人卒焉殯于江陵集有

元和五年次卿與其群弟奉公之喪自興元至堂殯于伊水之南六年正月次公奉夫人之喪自江陵至遂以其月十四日合葬河南緱氏之高龍原公母弟式自給事中為河南尹孝友慈良盡費其財以奉公葬舊史云式瑄之姪新史以為族孫按此銘族孫也未葬之一月詔以河南為御史中丞一作領宣州觀察使將行召河南令韓愈泣謂曰吾兄之葬於是而吾為尹於是吾以為得盡其道於吾兄也今壓於上命不得視吾兄之棺入此土也豈非天邪子與吾兄兒次卿游我重知子凡

韓十五

三

王

吾兄之終事將子是託焉愈既不獲辭既助其凡役事退又為銘云

有位有名有弟有子從先人葬是謂受祉

河南少尹李公墓誌銘

補註李素無傳而見於李錡傳按河南志素當以元和六年三月代韓士美為尹而七年二月代素為尹者許孟容也

元和七年二月一日河南少尹隴西李公卒年五十八歛之三月某甲子葬河南伊闕鳴臯山下前事之月其子道敏哭再拜授使者公行狀以幣走京師乞銘於博士韓愈曰少尹將以月

日葬宜有銘其不肖嗣道敏杖而執事不敢違

次不得跌以請禮記喪問曰為父苴杖苴杖竹

年身病体羸以杖愈曰公行應銘法子又禮敢

不諾而銘諸公諱某字某生七歲喪其父貧不

能家母夫人提以歸教畜于外氏以明經選主

統之引農簿又尉陝之芮城李丞相泌字長源

傳觀察陝統以材署運使從事以課遷尉京兆

鄠一本無鄠字通典曰鄠縣屬京兆夏有扈國

鄠亦謂之觀扈至齊改為鄠姚察訓纂云戶扈

鄠三字一也考滿以書判出其倫唐制凡居官以下四

考為滿凡吏部選始於孟冬終於季春其擇人

有四一曰身取其體貌豐偉二曰言取其詞論

辯正三曰書取其措法道美四曰判取其文理

優長四事可取則先來德行德均以才均

勞選主萬年簿萬年縣屬京兆而母夫人固在食其祿

母夫人卒三年改尉長安遷監察御史奏貶九

卿一人改詹事丞遷殿中侍御史由度支負外

郎選萬年令公主簿奪驛田京兆尹符縣割界

之公不與改度支郎中使侍郎介特以尚書侍

使者介特謂孤介特立也楊雄方言云不禮其

物無偶曰特獸無偶曰介特一作特非屬大夫士擅喜怒賞罰公獨入讓不受劉闢平

上以蜀賞高崇文劉闢為西川節度不臣憲宗遣高崇文誅之既平命崇文

以節尚書省與崇文幕府爭益井因革便不便

命公使崇文崇文命幕府惟公命從即其日事

以疏奏侍郎外稱其能竟坐前敢抗已衢州飢

擇刺史侍郎曰莫如郎中李某遂刺衢州至一

月遷蘇州李錡前反錡淄川王孝同五世孫德宗時為潤州刺史浙西觀

察諸道益鐵轉運副使恃恩驚橫憲宗即位懷不自安謀據江左後為其甥裴行立所攻傳首

京師唐權將之代諸州者刺史至斂手無與敵

公至十二日錡反公將左右與賊戰州門不勝

賊呼入公端立責以義皆斂兵立不逼錡命械

致公軍將斬以徇及境錡適敗縛公脫械還走

州錡傳云素為鎮將姚志安所執賊急卒一作竟平

韓十五

五

史

不暇走死民抱扶迎盡出天子使貴人持紫衣

金魚以賜居三年州稱治拜河南少尹行大尹

事素替杜公兼時韓愈為河南令除職方員外歸朝問前後之政如何對曰將兼來此素

呂氏子尺古迥棄其妻着道士衣冠謝母曰當

學仙玉屋山去數月復出問詣公公立之府門

外使吏率脫道士衣冠給冠帶送付其母公為作誰

氏子詩黜屬令二人以贓減民賦錢歲五十萬

請緩民輸期一月詔天下輸皆緩一月公一斷

治不收聲事常出名上曾祖引泰簡州刺史祖

乾秀伊闕令父煥宣州長史贈絳州刺史母夫

人燉煌張氏其舅泰一作有大名君之配曰彭

城劉氏夫人夫人先卒其葬以夫人祔夫人曾

祖曰子玄名知幾以字行唐史有傳祖曰鍊皆有大名公之

子男四人長曰道敏舉進士次曰道樞道本道

易唐諱行錄云道裕素子寶曆二年皆好學而

文女一人嫁蘇之海鹽尉韋潛自簡州而下皆

葬鳴臯山下銘曰

高其上而坎其中以為公之宮柰何乎公

集賢院校理石君墓誌銘

補註公嘗為詩為序以送之又為文以祭之而此又銘其墓蓋傷其早世事業

韓平五

六

丙

無聞也唐史有傳而歐文忠於洪所作鍾山林下集序跋之曰石洪為處士而

名重一時者以常為退之所稱道也李翱嘗薦洪於有仕者云曾任冀州糾而

誌云黃州錄

君諱洪字潛川辨證云長安慈恩寺塔有題韓

宗元子厚石弘潛川同登習之容或改字潛其墓誌及史傳皆名洪獨此曰弘莫知其故

先姓烏石蘭七一作代祖猛始從拓跋氏入夏

居河南遂去烏與蘭獨姓石氏而官號大司空

北史魏之先出自黃帝黃帝以土德王後七世北俗謂土為拓謂后為跋故以為氏

至行獲官至易州刺史於君為曾祖易州生婺

州金華令諱懷一卒葬洛陽北山金華生君之

考諱平為太子家令葬金華墓東而尚書水部
郎劉復為之銘君生七年喪其母九年而喪其
父能力學行去黃州錄事參軍則不仕而退處
東都洛上十餘年行益修學益進交游益附聲
號聞四海一作四方故相國鄭公餘慶留守東都上
言洪可付史筆李建拜御史崔周禎為補闕皆
舉以讓宣歙池之使與浙東使交牒署君為從
事河陽節度烏大夫重胤間一作聞以幣先走君
廬下間音居莧切走暗故為河陽得佐河陽軍
吏治民寬考功奏從事考君獨於天下為第一

韓廿五

七

文

元和六年詔下河南徵拜京兆昭應尉校理集
賢御書明年六月甲午疾卒年四十二娶彭城

劉氏女故相國晏之兄孫晏字士安唐史有傳生男二人

八歲曰壬四歲曰申女子二人顧言曰葬死所

顧言臨終之言葬死所言葬於京兆不附先塋也七月甲申葬萬年白

鹿原萬年縣屬京兆辛氏三秦記曰既病謂其

游韓愈曰與以吾銘銘曰歐陽文忠跋鐘山林

士而名重一時者以常為韓退之稱道也雖然

伯夷叔齊得夫子而名益彰顏淵雖篤學附驥

尾而行益顯亦洪之謂也林下集洪所著生之艱成之又艱若有以為而止於斯

江西觀察使韋公墓誌銘

補註王晦叔云杜牧之亦作韋丹遺愛碑大抵用韓氏而益奇韓子不作於前

牧之未遽進此也韋丹新史列之循吏傳皆取公墓誌及杜牧遺愛碑為之大

和中宣宗讀元和實錄見丹政事卓然他日與宰相語元和時治民孰第一周

暉對曰臣嘗守江西韋丹有大功德被八州歿四十年老幼思之乃詔觀察使

紇于泉上丹功狀命刻于碑此則見于遺愛碑大率出公志文碑與誌所載小

異新傳與誌同傳書丹二子宙岫誌則云有子真等若干人岫系表則真宙宙

而檢又遺岫何也岫終福建觀察使宙終檢校僕射同平章事審大理評事實不

見于官世係表云

公諱丹字某姓韋氏六世祖孝寬仕周有功以

韓文廿五

八

又美之

公開號於鄭鄭公之子孫世為大官宰相世系

自風姓顓頊孫大彭為夏諸侯少康之世封其

別孫元哲于豕韋其地滑州韋城縣是也其後

以國為氏漢丞相賢徙居京兆杜陵定著九房

鄭公房者文惠公旭次子叔裕字孝寬隋尚書

令鄭襄公六子諶惣唯公之父政率雒縣丞贈

壽霽津靜号鄭公房

魏州刺史為政於津公既孤以甥孫從太師魯公

真卿學真卿字清巨舉明經及第選授硤州遠

安令以讓其庶兄入紫閣山原化記終南山紫閣峯去長安城七

里十事從父熊本傳通五經登第吉凶影響錄云

陽橋見漁者得一龜甚大丹心異之贖投于河後有元長史名濬之來謝告以窮通即其龜也

歷校書郎咸陽尉佐邠寧軍本傳張獻甫表自

監察御史為殿中侍御史徵拜太子舍人益有

名遷起居郎吳少誠襲許州使少誠淮西節度拜

河陽行軍司馬時詔河陽進討未行少誠死疑此死字當作敗按

少誠傳貞元五年間陳許無帥遂圍許州德宗怒合十六道兵進討于頓禽其三將又破之於

秋柵少誠之死乃在於元和四年使新羅又出仕於

尚二十年矣此言少誠之死誤也亦改駕部員外

郎新羅國君死公以司封郎中兼御史中丞紫

衣金魚往弔立其嗣貞元十四年新羅國君敬

年遣丹持冊往立未至故事使外國者常賜州

縣官十員使以名上以便其私號私覲官私覲見論

韓廿五

九

張

語又周禮謂之私面公將行曰吾天子吏使海外國不足

於資宜上請安有賣官以受錢邪即具疏所以

上以為賢命有司與其費至鄆州會新羅告所

當立君死還拜容州刺史容管經略招討使始

城容州周十三里置屯田二十四所化大行詔

加太中大夫順宗嗣位拜河南少尹行未至拜

鄭滑行軍司馬始至襄陽詔拜諫議大夫既至

日言事不阿權臣蹇然有直名遂號為才臣劉

闢反圍梓州詔以公為東川節度使代李康御史

大夫公行至漢中上疏言梓州在圍間守方盡

力不可易將徵還入議蜀事劉闢去梓州因以梓州讓高崇文拜晉慈隰等州觀察防禦使自扶風縣男進封武陽郡開國公食邑二千戶將行上言臣所治三州非要害地不足張職為國家費不如屬之河東便上以為忠一歲拜洪州

刺史江南西道觀察使以晉慈隰屬河東

唐志至德

二年置河中節度使領蒲晉絳隰虢同七州治蒲德宗貞元四年分置此三州防禦觀察使治晉州至元和三年公既至則計口受俸委其餘於

官罷八州無事之食者以聚其財

江西道領洪江饒袁吉信

撫虔八州所以始教人為瓦屋

本傳云始民不知為瓦屋草茨竹椽

韓十五

十

文

久燥則取材於山召陶工教人陶聚材瓦於場度其費以為估不取贏利凡取材瓦於官業定而受其償從令者免其賦之半逃未復者官與為之貧不能者裨之財載食與漿親往勸之為瓦屋萬三千七百為重屋四千七百民無火憂暑濕則乘其高別命置南北市營諸軍歲旱種不入土募人就工厚與之直而給其食業成人不病飢為長衢南北夾兩營東西七里人去滌汙氣益蘇復作南昌縣徙廐于高地因其廢倉大屋馬以不連死明年築堤扞江長十二里疏

為斗明以走潦水公去位之明年江水平堤老

幼泣而思曰無此堤吾屍其流入海矣灌陂塘

五百九十八得田万二千頃地理志云元和三年刺史韋丹開南

塘水門以節江水開陂塘以溉田凡為民去害興利若嗜欲居

三年於江西八州無遺便其大如是其細可略

卒有違令當死者公不果於誅杖而遣之去上

書告公所為不法若干條朝廷方勇於治且以

為公名才能臣治功聞天下不辯則受垢詔罷

官留江西待辯使未至月餘公以疾薨使至辯

凡卒所告事若干條皆無絲毫實詔訐卒百流

韓廿五

十一

姚

嶺南公能益明春秋五十八薨於元和五年八

月六日公好施與家無剩財自校書郎至為觀

察使擁吏卒前走七州刺史與賓客處一有如布衣時

四字自持卑一字有不易擊清河崔氏故支江令諷

之女某官某之孫有子曰宜年十五明經及第

嗣其家業後天人蘭陵蕭氏中書令華之孫華蕭

唐史有傳殿中侍御史怕之女皆先公終有女

一人凡公男若干人按世系丹凡三子曰宜曰

射同中書門下平明年七月壬寅從葬萬年縣

少陵原杜陵也見將葬其從事東平呂宗禮與

章事審大理評事

其長子實謀曰我公宜得銘得銘不朽矣實來請銘銘曰

武陽受業始於太師以官讓兄自待不疑勤于紫閣取益以卑可謂有源卒用無疵慊慊為人矯矯為官慊慊不足貌音苦覃切爰及江西功

德具完名聲之下獨處為難後漢李固遺黃瓊書曰盛名之下其

實難辨而益明仇者所歎碑于墓前維昭美故

納銘墓中以識公墓識記也音志

河南府王屋縣尉畢君墓誌銘

補註按新史畢景公自吏部尚書進戶部尚書久之移疾帝手跡以醫方賜之

韓廿五

士

明

當時以戶部為凶戶遷改太子詹事其愈會卒贈黃門監諡曰景而此云累官至吏尚豈其字誤邪徐之從事謂杜兼云

畢氏出東平歷漢魏晉宋齊梁陳士大夫不絕入國朝有為司衛少卿具邢廬許州刺史者曰

憬宰相世系畢氏出自姬姓周文王弟十五子高封於畢以國為氏後漢兗州別駕謀也居東平五世孫衆慶守本州憬之子稱累官至吏生中正中五世孫憬

部尚書卒贈黃門監是為景公景公生抗一作炕

為廣平太守治州為廣平郡抗安祿山城陷覆其宗贈

戶部尚書尚書生垆圭營切家破時垆生始四歲

與其弟增以俱小漏名籍得不誅為賞曰賊中

寶應二年河北平宗人宏以家財贖出之

杜甫詩天

下幾人盡古松畢宏已老韋偃少是也

求增不得增長為河北從

事兼官至御史中丞君既至長安宏養於家教

讀書明經第宏死垆益壯始自別為畢氏歷尉

臨渙安邑王屋

臨渙屬亳州安邑屬蒲州王屋屬河南府以王屋山得名

年

六十一以元和六年二月二日卒於官初罷臨

渙徐州節度張建封慕廣平之節死聞君德行

能官請相見署諸從事攝符離令

屬徐州

四年及

尉王屋徐之從事有為河南尹者

杜兼

聞君當來

喜謂人曰河南庫歲

一有出字

入錢以千計者五六

韓廿五

十一

王龜

十萬頃謹廉吏今畢侯來吾濟矣繼數尹諸

一作

請署於府者無不變而畢侯固如初竟以其職

死君睦親善事過客未嘗問有無既卒家無一

錢丸棺與葬事

葬一作墓

皆同官與相識者事之娶

清河張氏女生男四人曰鎬鉦鉞銳女子三人

其長學浮屠法為比丘尼其季二人未嫁以其

月二十五日從葬偃師之土婁

偃師縣屬河南

銘曰

上古愛民為官求人苟可以任位加其身其後

喜權人自求官退而緩者身後人先故廣平死

節而子不荷其澤王屋謹廉而神不福其謙

易謙

卦鬼神害嗚呼天與人苟無傷其穴與墳

試大理評事胡君墓誌銘

補遺 夏陽同州屬邑平陽晉州郡名証謂胡証公時為行軍司馬從裴度討蔡

元和十二年八月十六

胡之氏別於陳夏禹封舜子商均於虞城三十世孫闕父為周陶正武王妻

以元女大姬生滿封之於陳賜姓媯以奉舜祀是為胡公一為胡氏即其後也事見左氏襄公

五年十明允先河東人世勤固載厥身也載行籍文

譜進連倫惟明允加武資力牛虎柔不持吏夏

陽通典云同州韓城縣即漢夏陽縣地也有施為去平陽州晉民思

悲河東土河陸原宜茲人肖後昆五十七不足

韓十五

出

龜

年孤兒啼死下官母弟証秋大夫唐史胡証字

舉進士第累遷御史終嶺南節度使亦以俠聞石君遺哭泣書友韓愈

司馬徒作後銘系序初公時為行軍司馬從裴

二年八月十六

襄陽盧丞墓誌銘

范陽盧君行簡將葬其父母乞銘於職方員外

郎韓愈曰吾先世一作世載族姓書絕句吾胄於

拓跋氏之引農守守後四代吾祖也為沂州錄

事參軍五世而吾父也為襄陽丞宰相世系曰

姓齊文公子高高孫僕為齊正卿謚為敬仲食采於盧濟北盧縣是也其後因以為氏田常篡

齊盧氏散居燕秦之間秦有博士教子孫家于
涿水之上遂為范陽涿人其後有世度者字子
遷青州刺史固安惠侯四子陽烏敏昶尚之号
四房盧氏陽烏字伯遷後魏秘書監固安懿侯
号大房生道將字祖業燕郡太守固安獻侯道
將生懷仁字子友後魏引農太守懷仁生道亮
字仲業仲業生思演思演生瓌始吾父自曹之
沂州錄事參軍瓌生某襄陽令

南華尉歷萬年縣尉至襄陽丞以材任煩能持
廉名去襄陽則署益鐵府職出入十五年常最
其列貞元十三年終其家年六十七殯河南河
陰縣吾母燉煌張氏也王父瓘為兗州金鄉令
先君歿十三年而夫人終年七十三從殯河陰
生子男三人居簡金吾兵曹行簡則吾其次也

韓廿五

十五

姚

大理主簿佐江西軍其幼可父女子嫁浮梁尉
崔叔寶將以今年十月自河陰啓葬於汝之臨
汝縣臨汝原吾曰陰陽星歷近世儒莫學獨行
簡以其力餘學能名一世舍而從事於人以材
稱葬其父母乞銘以圖長存是真能子矣可銘
也遂以銘引農諱懷仁沂州諱瓌公了襄陽諱
某今年實元和六年

河中府法曹張君墓誌銘

有女奴抱嬰兒來致其主夫人之語曰妾張圓
之妻劉氏也妾夫常語妾去吾嘗獲私於夫子

夫子謂且曰夫子天下之名能文辭者凡所言

必傳世行後今妾不幸夫遇盜死途中李肇國史補云

張圓者韓洪舊吏洪初秉節事無大小委之後

奏影圓多怨言及量移誘至汴州極歡而遣之

行次八角店將以日月葬妾重哀其生志不就

恐死遂沈泯敢以其稚子汴兒見先生將賜之

銘是其死不為辱而名永長存所以蓋覆其遺

胤若子若孫且死萬一能有知將不悼其不幸

於土中矣又曰妾夫在嶺南時常疾病泣語曰

吾志非不如古人吾才豈不如今人而至於此

而死於是耶若爾吾哀必求夫子銘是爾與吾

韓廿五

六

明

不朽也愈既哭乎即辭遂叙次其族世名字事

始終而銘曰

君字直之祖謹父孝新皆為官汴宋間君嘗讀

書為文辭有氣有吏才嘗感激欲自奮拔樹功

名以見世初舉進士再不第因去事宣武軍節

度使得官至監察御史坐事貶嶺南再遷至河

中府法曹參軍攝虞鄉令有能名進攝河東令

二縣皆屬河又有名遂署河東從事絳州關刺史

攝絳州事能聞朝廷元和四年秋有事適東方

既還八月壬辰死于汴城西雙丘年四十有七

明年二月庚午葬于河南偃師妻彭城人廿衣冠祖好順泗州刺史父冰卒蘄州別駕女四人男一人嬰兒汴也是為銘

太原府參軍苗君墓誌銘

補註苗蕃公妻母苗夫人從姪也正元十年進士按世係表蕃生著著生恪惲恪惲生廷又按登科記恪長慶二年惲大和五年恪八年台符大中八年廷又乾符三年皆相踵第進士大和二年恪又登制科恪惲恪當為蕃之子所謂著者誤疑執規等更名恪惲恪登第嗚呼蕃死時其困如此而子孫之盛則如此為善者其可以無怠矣

君諱蕃字陳師其先楚之族大夫亡晉而邑於

韋十五

七

呂洞

苗世遂以苗命氏其後有守上黨者惠于民卒

遂家壺關

宰相世系曰苗氏出自苒姓楚若敖越椒生伯夔以罪誅其子賁黃奔晉侯與之苗邑因以為氏其地河內軹縣南有苗亭上黨苗襲蔓即其後也襲蔓生延嗣通典曰潞州為上黨郡亦縣名本漢壺關縣也今之壺關後魏移此有壺山

曾大父延嗣中書舍人大父舍液

舉進士第官卒河南法曹父穎揚州錄事參軍

君少喪父受業母夫人舉進士第

按登科記正元十一年也

佐江西使有勞三年使卒後辟不肯留獨護其喪葬河南選補太原參軍假使職獄平貨滋息吏斂手不敢為非年四十有二元和二年六月

平已暴病卒其妻清河張氏以其年十二月丙寅葬君于洛陽平陰之原男三人執規矩必復其季生君卒之三月君同生昆弟姊凡三人皆先死四室之孤男女凡二十人皆幼遺資無十金無田無家以為歸無族親朋友以為依也天將以是安施邪按世系表及登科記蕃生著魯恪字無悔愔又生台符字子嵩廷又字子章愔以長慶二年登進士第又登大和二年制科大和五年登進士第恪八年台符大和八年廷又乾符三年皆相繼榮顯謹竊疑著即蕃之兄弟傳寫世次之誤尔蓋蕃之卒在元和二年子男三人執規矩必復皆幼至長慶二年纔十五年尔豈遂有孫如此成立而相繼顯耶誌又言君卒之三月君同生昆弟姊三人皆先死

韋子季

六

四室之孤男女凡二十人皆幼無依則著為蕃之兄弟無疑蓋著不幸先蕃而夭愔憚恪等皆養於蕃及蕃之死又無所依所謂獨孤臣孽子其操心也危其慮患也深故達尔而蕃之後世所謂執規矩者別無聞焉何其盛衰不同銘如此抑慶鍾苗裔各有彼此邪因以辨之

有行以為本有文以為華恭以事其職而勤以嗣其家位卑而無年吁其奈何

新刊詳補註昌黎先生文集卷第二十五

